


1/211



方域二

宋

會

要

卷四十九

宋會要

每卷首  
前三行  
格式

吳興劉氏嘉業堂鈔本

宋會要卷第四百二十九

大興徐松輯大典本

方域二 南京 北京 行在



南京北京行在所

臨安府

南京

真宗景德三年二月詔曰睢陽與區平臺舊壤兩漢之  
盛並建於成藩五代以還存節制地望雄于征鎮  
疆理接於神州實都畿近輔之邦乃帝業肇基之地恭  
惟聖祖誕慶鴻圖爰於歷試之初兼領元戎之寄謳謠  
所集符命荐臻殆茲累朝俯同列郡式昭茂烈宜錫崇  
名用彰神武之功且表興王之盛宜升為應天府宋城  
縣為次赤帛陵楚邱柘城下邑穀熟虞城等縣並為次

畿

大典卷七  
千七百一

大中祥符七年正月二十九日詔曰睢水名區實一方

之都會高邱與壤為三代之舊邦形勢表於山河忠烈  
 存於風俗惟文祖之歷試蓋王命之初基今者伸款謁  
 于檜庭既揚茂則狗彘來於竹苑方霽湛恩期克壯帝  
 猷俾肇所京邑用志興王之地允符追孝之心應天府  
 宜升為南京正殿以歸德為名咨爾都民承于世德慶  
 靈所佑感悅良多二日一日詔名南京門曰崇禮雙門  
 曰祥輝外西門曰迴鑾上同  
 三日以主客郎中知應天府馬元方兼南京留守司事  
 合置官屬名目下審官院流內銓一如西京之式上同  
 三月十三日詔名南京城大東門曰昭仁小東門曰延  
 和上同西門曰順成北門曰靖安新隔門曰承慶上同

吳興

仁宗慶曆五年九月十八日置南京留司御史臺上同

北京

仁宗慶曆二年五月詔曰相邑設都所以因地形之勝  
 省方展義所以考民風之宜乃春魏郊賓當河麓帝萬  
 盈之懿北冠千里之上腴隱然北門壯我中夏洪惟聖  
 考順駐瑯璣宮館並存威靈如在緬懷凝烈有述于孝  
 思嘉慰後來敢忘於時邁載恢舊制崇建別京懋昭善  
 繼之猷仍與維新之澤大名府宜居為北京先朝駐蹕  
 行宮正殿以班瑞為名其修葺行宮屋宇並給官錢毋  
 得科率同大興卷七  
年七百二  
 六月十七日以樞密副使右諫議大夫任中師為修建

北京使翰林學士尚書禮部郎中知制誥史館修撰蘇  
紳為修建北京副使同上

七月十二日以北京行宮門為順豫同上

八月十七日出內藏庫帑錢十萬修北京行宮同上

閏九月一日詔比建北京以脩巡幸其供饗之物宜令

有司辨置毋或擾民同上

三年二月六日北京行宮便殿為靖方同上

七年六月二十一日置北京留守司御史臺同上

神宗熙寧八年十二月九日賜內外城門名南河門曰

景風南博門曰亨嘉朝城縣門曰安流朝城羅門曰巽

齊冠氏門曰華景冠氏羅門曰春祺上水關曰善利北

吳興郡志卷之五

河門曰安平北博門曰耀德魏縣門曰甯成魏縣羅門  
曰利和觀音門曰安正觀音羅門曰靜方下水關曰永  
濟左右四廂凡二十三坊永寧延福靖安惠安宜春敦  
信安仁善化七賢大安德教宜春崇化三市普寧廣利  
長樂景行景明鳳臺延康福善保安同上

行在所 臨安府

舊係京都雜錄自建炎以來車駕北幸至紹興八年駐  
蹕臨安為行在大典卷一萬九百四十

高宗建炎元年五月二日詔江寧府修建景靈宮諸帝  
共作一殿諸后共作一殿同上

六月盡日詔已降指揮令永興軍襄陽府江寧府准脩

此幸仰逐虞守臣營葺城池建置官室官府務從簡易  
不得撓擾以近便州郡神霄宮并空閑提舉解舍之類  
撥移逐路漕司及提舉常平司錢物應副如不足具數  
申尚書省三日詔潛帥以升賜官為名上同  
七月十三日詔權時之宜法古也狩駐蹕近甸號召軍  
馬以防金人秋高氣寒賊來入寇朕親督六師以援京  
城及河北河東諸路與之決戰已詔迎奉元祐太后津  
遣六官及衛士家屬置之東南朕與群臣將士獨留中  
原以為爾京城及萬方百姓請命于皇天庶幾天意昭  
荅中國之勢變疆歸宅故都迎奉二聖以稱朕夙夜憂  
勤之意應在屯兵聚糧修治樓櫓具器並令留守司京

吳興名氏書畫錄本

城所戶部疾速措置施行上同

九月七日詔將來也幸駐蹕揚州可行下知揚州呂頤  
浩修治城池差膳部員外郎陳充幹辦頤進行官一行  
官吏將佐軍兵安泊去處虞部員外郎李傳幹辦舟船  
并糶辦糧草發運使李祐淮南轉運使李傳正並差隨  
軍轉運使上同

十日手詔荆襄關陝江淮皆備也幸並令因舊就簡無  
得撓擾凡也幸所過與所止之處當使百姓預知朕飲  
食取足以養體氣不事豐美亭傳取足以庇風雨不易  
卑陋什器輕便不求備用供帳簡寡不求備儀可齋以  
行皆無取於州縣橋梁舟楫取足渡濟道路毋治官吏

得

換疑援。

毋出一切無所追呼隨從臣寮皆體朕意有司百吏敢  
撓擾者重寘于法唯是軍馬芻糧必務豐潔將士寨柵  
必令寬爽官吏無無少懈部使者皆朕耳目之官違戒  
勅而不以上聞者與同罪若自為撓擾罰更加重仍許  
民戶越訴上同

二十二日詔暫駐蹕淮甸庶四方有警皆易應換除河  
北河東已相繼發兵及京師已應副綱運并委措置防  
拓外可分留精兵科撥錢物于應天拱泗州等處防守  
應合行事務令三省樞密院同共措置令來也幸應科  
撥舟船分定帶行及存留官吏數目措置膏罰遣發先  
後次序般載圖籍文案戶部錢物及准備隨行支遣之

吳興縣志卷之五

物申嚴斥堠通報平安止絕官吏離任迎謁閱防偽冒  
覺察姦細掩襲盜賊拘截逃亡批文口券食錢預行下  
沿路寶支數目供辦置買飲食實數閱防一切撓擾申  
嚴沿邊及近地防守措置并創置控扼督責征誅等並  
令三省樞密院別措置行下是日又差漕臣黃敦書專  
切隨軍應副錢糧差提刑高士瞻專切隨軍應副鄉兵  
弓手之類所用錢糧人兵器甲等全籍諸處同力應副  
方可辦集竊慮故有阻難移文牽制不即應副其合干  
人並許追赴行司便宜行遣官員奏劾或一面送官司  
根治所辟官請給人從並依新任支破與理為在任月  
日仍破驛券通馬不許受諸州送饋自被受公文限一



日起發不得託故上同

同日三者樞密院言車駕巡幸駕船人兵令工部取會  
座船綱逐船依料數除樑梢外合用駕船人兵實數欲  
下都統制官於諸軍內選差東南及牙兵撥充其軍兵  
更番所乘舟船并逐船官吏下自有人從共二十人已  
上者乞並不差從之上同

二十七日都省言車駕巡幸進發日已定密慮行在及  
東京百司官如擅離職守詔見今行在及東京百司官  
如擅離任所並追官勒停根捉就本處付獄根勘令刑  
部疾速施行上同

二十八日詔川陝成都京兆府京西襄鄧州荆湖潭州荆

吳興等處各書至對本

南府江淮江寧府揚州仰逐路漕臣積聚錢糧帥守修  
治城壘宮室官舍以備時巡首觀風俗務從儉約勿致  
撥擾上同

二年二月十一月東京留守司遣委開封府判官專管  
使院公事范世延開封府左推官鮮于繪齋捧在京士  
庶表章恭請聖駕并進呈修城開壕一切了畢圖本詔  
令閣門引見上殿上同

三年二月十三日車駕至杭州以州治為行宮以顯寧  
寺為尚書省上同

十四日車駕初至杭州霖雨不至執政葉夢得奏事畢  
因言州治屋宇不多六官居必隘窄且東南春夏之交

多雨蒸潤非京師比上曰亦不覺窄但卑濕爾然自過  
江百官六軍皆失所朕何敢獨求安今寢處尚在堂外  
當俟將士官屬各得所后遷徙之人稍有所歸朕方敢  
入正寢上同

二月十六日德音應令乘巡幸經過州軍民戶特與蠲  
免今年夏稅以聞車駕經過之後州縣將民間元科借  
物色未足之數尚行追納委實搔擾可限指揮到日住  
罷如違許人戶越訴上同

同日德音令乘巡幸沿路州縣排辦夫處備見勤勞仰  
守臣保明實宣力人當議推恩上同

三月一日詔昨全人逼近暫至錢塘每念中原未嘗敢

吳興縣志卷之五

忘

思今據探報賊馬歸回已離揚州錢塘非可久留便當  
移駐江寧府經理中原之事可於四月上旬擇日進發  
應江寧府合預排辦并沿路一行程頓等事有司疾速  
施行務要前期趨辦應副諸軍外餘事盡從簡便不得  
橫擾上同

三日禮部侍郎充御營使司參贊軍事張浚言近日鑾  
輿過平府扈從需索其數尚多欲乞外擇巨寮可與經  
營者數人內侍忠信謹願者一二其餘六官朝廷悉留  
杭州詔候到江寧府取旨上同

同日詔金部郎中李迨金部員外郎高士佃差主管車  
駕心幸隨行左藏庫錢物官兩浙轉運副使劉誨差主

主管車駕巡幸錢糧官同上

同日知常州周杞言車駕巡幸到州臣逐急權就倚郭武進縣治事緣州衙係御座之處未敢擅便遷入詔除曾除曾經安設御座御榻之處外餘並賜依舊作州衙其餘沿路州縣及今後巡幸去處並准此同上

二十八日詔曰國家歷運中微干戈未弭因時巡省蓋順權宜以江寧府王氣龍盤地形繡錯據大江之險茲惟用武之邦當六路之衝實有豐財之便將移前蹕暫任大邦外以控制於多方內以經營乎中國尚慮有司排難過於奉承百姓追呼疲於道路儼齊民之或擾豈菲德之敢安將來巡幸公路州郡及兩浙路江東監司

皇興朝臣嘉善堂鈔本

江寧府不得分毫騷擾以安人心同上

五月八日車駕至建康府駐蹕於神霄宮同上

六月十二日上諭宰臣曰得鎮江奏報十日皇太后進發出鎮江府門遇雨復回次第來日酒到朕當躬往迎接既已定日雖遇雨亦不宜住蓋沿路州縣頓進衛士飲食之類既已排辦若滯留一日則又糜費騷擾朕前日自鎮江來塗中雖遇雨亦不曾住來日郊迎太母已令備辦雨具卿等可詣宮觀祈晴朕當降香以往呂頤浩等奉命而退同上

七月二十八日宰臣呂頤浩等進呈權知三省樞密院前往洪州分掌事件一六部常程依格法事務並從權

知三省樞密院官奏行雖非常程而待報一權知三省

樞密院應分遣文書並合通簽一奏鈔並依常式修寫

繫宰執階位注隨行在其權知三省樞密院官依式簽書一

遍下諸路照會行在專總邊防軍馬錢穀差除重事所

有其餘細務及官員注擬磨勘功賞舉辟之類並申權

知三省樞密院仍往洪州投下一六曹長貳郎官或留行在或

隨從前去並各仍舊主行本部事務其姓名取自朝廷

指揮一三省樞密院六房人吏除已選充行遣文字外

逐房自點檢以下至守闕守官官並從上各存留一半

於行在祇應餘並先次隨從前去一官告院糧料院審

計司官吏分一半各掌行所管事務或文書壅保即添

吳興

差權官一大理寺治獄官吏並留行在斷行官吏量留

三分之一餘並隨權知三省樞密院前去一太常寺已

有指揮留博士一員外少卿隨從神主前去一存留宗

正寺丞及國子監丞外並隨權知三省樞密院前去一

進奏院監官二員一員留行在一員合隨從前去其進

奏官除存留人外並前去通管諸路州軍文字一吏部

除自来合堂除窠闕外並於洪州使闕一戶部諸路錢

米物帛等已有指揮分定路分應副仍令權貨務都茶

場作料次每次印造東南鹽鈔五十萬貫茶引一十萬

貫權貨務都茶場量那官吏前去出賣應副經費支用

仍先印鹽鈔五十萬貫隨行一禮部印造度牒並聽行

在降敕印造一兵部起發諸路將兵並從行在降指揮  
一刑部諸路奏案並發赴洪州依條例裁決回報應干  
帳籍等亦申發前去一工部應合用軍器並聽隨所關  
數於洪州及鄰近州軍有作院處製造從之上同

閏八月二十六日詔世享浙西翌日御史臺言今來車  
駕世享一行舟船並於船兩頭木上大寫字書貼某官  
及梢工姓名如有不依次序攙先擁闌官員奏劾梢工  
處斬從之上同

二十八日詔鎮江府常州平江府秀州并沿路州縣人  
戶不得關閉店舍賣買專委知州措置軍行並令占宮  
觀寺院廟宇官舍安泊即不得亂行拍占居民屋舍如

吳興名臣事錄卷之六

違當從軍法施行隨從除衛兵給蒸湖熟肉外更無一  
毫取買如輒有取覓借索什物仰州縣不得應副許諸  
色人經尚書省陳訴上同

九月二十九日詔朕巡幸所至應什物供帳之具不許  
於民間科配詔旨丁寧誠諭切至訪聞百司翫習酒索  
却成撥擾仰尚書劄下應隨駕百司不得於州縣取索  
分文以上物色如違其監官及當行人吏並坐贓論及  
私受饋送者准此上同

四年二月二日詔温州江心寺賜名龍翔 時車駕至  
温州駐蹕於寺也上同

十三日詔令温州江貼占通真菴充尚書六部置局上同

六月七日大理卿兼同詳定一司救令王衣言乞以詳  
定重修敕令所為名就用見使印記從之上同

七月六日詔臨安府宜遷府治於祥符寺基創建一從  
中書舍人季陵請也上同

紹興元年十一月六日三省言徐康國權知臨安府措  
置移蹕事務令具到行在百司局所詔宜措置隨宜擬  
截不得撥擾仍其已擬截處所畫圖申尚書省八月詔  
已降指揮移蹕臨安府可差內侍楊公弼前去與徐康  
國同措置擬截行官務要簡省更不得華飾上同

十二日都省言徐康國欲添造共百餘間楊公弼欲造  
三百餘間比之康國數多二百竊慮難以趨辦詔依徐

吳興郡民書畫鈔本

康國措置上同

草

亦下疑落可字

十九日宰臣奏擬截行官文字上曰面飭楊公弼止令  
草創僅蔽風雨足矣椽樑未暇丹雘亦無害或用土朱  
亦同同日襄陽府鄧隨郢州鎮撫使桑仲言乞駐蹕荆南  
以係中原之望今劉豫借于鄆招誘京畿京陝官吏軍  
民乞先次下詔稱鑿與擇日起發前來中原庶幾人心  
不至搖動此中興不可失之機會詔桑仲所奏備見忠  
嘉荆南東連吳會西徹巴蜀北據漢沔利盡南海自古  
形勢之地止以目今糧道未通已差參知政事孟庾充  
江西荆湖東西宣撫使韓世忠充宣撫副使計置汭路  
糧食俟就緒日進發上同

十二月十四日宰臣進呈臨安府有司欲就移近城僧舍以造行宮上曰僧家緣化營葺不易處爾毀拆慮致怨嗟朕正欲名和氣豈宜如此但給官錢隨宜修蓋能蔽風雨足矣同上

二十二日車駕移蹕臨安府來年正月十日登舟十一日進發宿錢清鎮十二日宿蕭山縣十三十四日候潮渡江留神武右軍統制官劉寶張宗顏兩項人馬收後仍且在紹興府駐劄聽候朝廷指揮起發令張俊統其餘兵并中軍扈從前去同上

二年正月二十三日詔比移蹕臨安六官尚留會稽者政不欲增廣行闕重困民力訪聞行在條官修造去處

吳興府志卷之八

甚多可日下並罷自今非得旨而擅役人夫者令御史臺糾彈以聞時駕車以正月十四日至臨安府同上

紹興二年正月二十七日知臨安府宋輝言車駕駐蹕本府城壁理宜嚴固昨緣雨雪推倒過州城三百七十九丈工力稍大本府關人修築據壕塞官申元發到人兵二百九人欲乞候修內司打併了當退下湖秀等五州後兵盡數撥差併工修築從之同大典卷八千七十七

二月六日詔天章閣祖宗神御可先行起潮汛過江仰

臨安府差渡船五隻令地檢引帶保護過江大典卷一萬九百四十

七月八日尚書省言行宮南門添置樓屋一所已令臨安府修蓋相次了畢所有牌額乞下所屬書寫詔令臨

安府書寫仍以行宮之門四字為名同上

九月二十九日尚書省又言行宮南門修蓋畢工今來太史局選用十月二日欲令百官朝謁出入從之同上

紹興二年十月十四日中書門下省言新差權發遣江南西路轉運判官陳橐奏東南諸州自宣和以來皆常稟命於廟繕治城壁歷時既久變或頽圯守臣趣過目前漫不加省乞戒勅諸路郡守遇有頽闕課壯城兵卒以時繕修庶幾用力不勞而垂利永久亦沮銷姦究之一端詔劄與諸司帥司照會大典卷八千七十二

紹興三年正月六日權知臨安府梁汝嘉言被旨令措置朝大門一所不用門棧除置門外有本門墻角至河

吳興縣志卷之五

亦合修築城墻更置角門一所詔依所乞即不得別有增添却致繁費同上

三年正月十一日都省言江南東路安撫使兼知建康府事趙鼎言昨蒙指揮營造建康府行宮事今畫圖在前計工止及六分以上自餘材植不甚少闕所有應干粧染隔截磚瓦人匠日支錢米之費都未有備昨來任工日見在錢七萬餘貫米一千七百餘石已係宣撫使司截使了當朝廷如許畢工乞將支過元椿錢未權貨務等處支發應副詔委孟庾措置申尚書省大典卷一萬九百四十一  
十六日中書門下省奏勘會行宮南門裏並無過廊百官趨朝冒雨泥行詔令梁汝嘉同修內司官就東廊舊



却疑怯

基營蓋

上同

十二月九日詔宮牆低小却薄不足以限制內外令修司使相度幫貼砌壘其合用工料磚灰具申尚書省上同四年二月十八日權知臨安府梁汝嘉言本府係車駕駐蹕其越城門禁止有海行條法竊恐合依在京法禁乞下所屬檢會頒降以憑遵守刑部狀檢準律諸越殿垣者絞官垣流三千里皇城減官垣一等京城又減一等諸奉敕以合符夜開宮殿門符雖合不勘而開者徒三年若甚符不合而為開者流二千里其不承敕擅便開閉者絞若錯符下鍵及不由鑰而閉者杖一百即應忘誤不下鍵應開毀鍵而開者徒一年其皇城門減官

夏其...  
夏其...  
夏其...

門一等即宮殿門閉訖而進鑰進者杖一百經宿加一等宮門以外遞減一等其開門出鑰進又加遞減進鑰一等甚會臨安府城壁見有推倒去處竊慮夜有越城作過之人詔越城門禁並權依京城斷罪候車駕回壘日依舊其未修城壁仰本路相度置鋪巡防上同五年正月十四日詔建康府行宮繕本未畢兼城壁損壞亦當修築可委江東帥且同轉運判官俞侯隨宜措置須管日近了畢及省部百司倉庫等亦仰踏逐具圖未上務從減省不得騷擾時車駕駐蹕臨安府上同十九日參知政事孟庚上表恭請車駕還臨安府詔荅曰朕夙嚴戎駕底定邊虞小次舍于吳門住宅師於建

勸載念江山之勝屢經兵火之餘雖有司板築以時并  
繕官府城池之役顧斯民強負而至尚無邑屋廬舍之  
依復覽封章力祈還幸見官儀而思漢諒南北之一心  
從仁人而居邠亦父老之誠意勉徇來曠暫議回轅想  
遲警蹕之音益尉羽旌之喜可依所請暫回臨安府駐  
蹕戶部侍郎燕權知臨安府梁汝嘉率本府父老僧道  
士庶上表迎回車駕是日賜臨安府官吏軍民等詔  
書曰朕萬騎時世方圖遠略九廟未復其敢奠居比臨  
江上之師覬矜目中之虜遂頒前詔暫議還轅汝等並  
傾向日之心咸起望雲之意有嘉愛戴諒慰忠忱同上  
二十七日詔令御史臺主管禁衛所取見內外百官司

吳興府志卷之五

吳興府志卷之五

船隻數目逐路船各給旗號分明書寫某官司舟船依  
圖本先後資次擺泊如將來攬先行船或無官給旗號  
其棹梢徒三年在禁衛內依紹興四年十一月十一日  
已降指揮官員奏劾所有旗號合用黃絹據的實數日  
令戶部支給仍令文思院限三日製造同上  
二月一日平江府言昨排辦府治充駐蹕行宮本府欲  
候進發日將行官封鎖輪差兵官看管祇俟將來車駕  
回鑾駐蹕詔賜平江府依舊充府治一時車駕欲以二月  
三日自平江府進發回臨安府同上  
六年八月二十一日閣門言准禮部閣選定進發吉日  
得旨用九月一日契勘至日係朔日送拜詔權免時

車駕自臨安府進發是日應侍從官並從駕上同

九月四日詔御舟至平 府止於水門外進輦可行下

本府更不折門上同

十日樞密院言今來車駕巡幸親撫六師密憲四方傳聞不一別到疑惑詔令諸路帥首監司散出文榜分明告諭軍民通知仍多方措置彈壓盜賊務要境內肅靜毋致紛擾生事上同

七年正月二日中書門下省言將來車駕巡幸建康

其扈從一行沿路合用錢糧之類並係隨軍轉運職事兼經由東陽下蜀兩處程頓合與本路漕司同共措置及營繕行宮將見就緒亦當因便檢點詔令梁汝嘉恭

吳興郡侯之妻李氏

躬親起發前去催促應辦仍約束經由州縣不得以應

副巡幸為名因而騷擾如違按劾以聞上同

七日詔建康府營繕行宮務從省約不得華侈仰葉宗諤等具知稟狀聞奏上同

三月三日都督府言今來車駕巡幸建康府其沿江津

渡合行關防機察詔權依黃河法候邊事寧息依舊上同

七日詔巡幸建康府出陸日天氣稍暄應扈從臣寮許戴涼笠 同日詔巡幸至建康府駐蹕依例作歇泊假

三日上同

六月二十六日宰臣奏蒲葺孔子乞駐蹕江陵上曰荆南形勝吳蜀必爭之地朕嘗見杜甫望幸詩云地利西

通蜀天文北照秦風煙舍越鳥舟楫控吳人可知其為  
要地宜諭王庶益濬治城墍招徠流移練兵積粟為悠  
久之計宰臣張浚曰庶在荆南頗有治行元係雜學士  
猶未復舊職上曰可還舊職悉心府事上同

八年正月十一日上諭輔臣曰將來幸浙西建康諸官  
屋宇及百官廳舍皆令有司照管他時復幸免更營造  
以傷民力臣趙鼎等奏曰已令建康府拘收且言若虜  
人遂以大河之歸我當且駐蹕建康上曰群臣上廢多  
論建康都事蒲贊謂當擇險要之地句龍如淵謂當修  
德而不在險以二人之論校之如淵為勝矣上同  
十四日詔復幸浙西已定二月七日進發差楊沂中充

吳興縣民書畫堂針本

車駕巡幸總領彈壓一行事務上同

三月詔昔光武之興雖定都於洛而車駕往返見於前  
史者非一用能奮揚英威進行天討上繼隆漢朕甚慕  
之朕荷祖宗之休克紹大統夙夜危懼不常厥居比者  
巡幸建康撫經淮甸既已申固邊圉與率六軍是故復  
還臨安內修政事繕治甲兵以定基業非厭霜露之苦  
而圖宮室之安也上同

九年正月二十二日修內司承受提轄王晉錫言奉旨  
於內中修蓋皇太后殿門廊一所令踏逐直筆內省事  
務承慶院屋宇地步可以修蓋詔依合用工料令臨安  
府應副上同

十一月八日上親書慈寧之殿四字并臣名恭書四字  
降下本司造牌擇日安掛上同

四月二十九日中書舍人李誼言臨安府奉迎兩宮到  
行在設降舟幄就餘杭門外北郭稅務亭排辦有旨於  
前路迎接目見陛下念親之深朝夕拳拳之意然前路  
奉迎未知所止何地若去城差遠勢須索頓則千乘萬  
騎未易輕動如或者節儀衛又非所以嚴警備漢文帝  
即位之初太后在代止是遣車騎將軍薄昭往迎唐明  
皇自蜀歸至咸陽距長安無四十里而肅宗始備法駕  
迎於望賢宮今兩宮既還陛下致天下之養永永未已  
其承顧之樂豈較一日之遠哉欲望止於近處陳設幄

吳興羅氏嘉善堂鈔本

次以為奉迎之備庶可朝出夕歸於事理為稱詔依仍  
令臨安府於前路祇備迎接上同

十月三十日昭宣使忠州防禦使入內內侍省押班陳  
永錫言修蓋皇太后殿宇門廊并創造到鋪設什物簾  
額等一切了畢詔陳永錫特轉行一官於使額上轉行  
王晉錫卽諤並轉行遷郡刺史第一等各轉行一官更  
減一年磨勘第二等各轉一官第三等各減三年磨勘  
內白身人並候有名目或出職日收使兵匠第一等各  
支錢一十二貫第二等各支錢一十貫第三等各并在外  
津般交撥官物財植等兵級和雇作家甲頭工匠各支  
錢八貫並令戶部支給上同

十二年三月八日詔令臨安府於城內擇地依禮制建  
築社稷壇壝并修蓋行事官致齋所亦隨宜修蓋上同  
八月二十三日詔令月二十一日進發登州奉迎皇太  
后應從駕諸班直天武親從親事官親兵軍兵將校并  
諸色祇應人失儀落馬拽斷圍子排立交牙趕隊不上  
搗壞儀仗軍器茅衣甲器械等並特與放罪仍免估剝  
陪償上同  
紹興十二年十月三日臣僚言大駕南巡閱歲滋久城  
壁剝蝕日就摧毀昨見開河之役悉於旁近州軍量起  
官兵臨安府昨被指揮置庫因易收其贏餘以備修城  
之舉亦幾年矣乞斷而行之專委近臣為之提綱假以

吳興記

壯文重珩疑在城

歲月無不成者詔令臨安府措置申尚書省候農隙和  
買磚石用壯城兵相兼人夫修築即不礙官私舍屋  
委是經久利便從之大典卷八千七十七  
十一月十二日提舉修內司承受提轄王晉錫言依已  
降指揮同臨安府將射殿修蓋兩廊并南廊殿門作崇  
政殿遇朔望權安置幕帳門作文德紫宸殿及將皇城  
司近北一帶相度修蓋垂拱殿令具撥移諸司屋宇共  
二百四十七間乞依畫到圖本修建從之大典卷一萬九百四十  
十四日提舉修內司承受提轄王晉錫言依已降指揮  
修蓋射殿廊舍合用兩系殿乞一就修蓋從之上同  
十二月十二日詔太學養士權於臨安府府學措置增

展所有府學先次別選去處建置其增展屋宇約可容  
生員三百人齋舍并官吏直舍等並臨安府措置修蓋  
上同

十三年正月十五日知臨安府王喚言踏逐得錢塘縣  
西岳飛宅子地步可造大學并國子監從之 同日詔  
禮部太常寺同共討論禱壇方位置度 既而檢會到  
國朝禮例郊禱壇在國子東南昨緣車駕駐蹕臨安權  
於前湖門外惠照院照齋宮設位行禮今欲臨安府於  
行宮東南城外踏逐去處隨宜修建取就近寺觀充行  
事官齋舍從之 以太常博士劉滢有請也 上同  
十三年二月二十五日殿前都指揮使楊存中等言相

東南

圖  
疑  
圖

吳興志卷之三十一

視都園壇地步今於龍華寺西空地得東西長一百二  
十步南北長一百八十步修築圓壇除壇及內壇丈尺  
依制度用九十步外其中壇外壇欲乞隨地之宜用二  
十五步分作兩壇外有四十步若依前項地步修築其  
兵部車輅儀仗殿前司禁衛皆可以排列兼修建青城  
并望祭殿委是可以圖備從之 上同

三月十三日詔景靈宮萬壽觀成差權吏部侍郎江龜  
詣温州迎奉神御 詳見本門 同上

閏四月一日上諭宰臣曰祖宗時殿宇皆赤土刷染飾  
以桐油蓋國家高大德也兼與則易修後來多用朱紅  
滕所費不貲且難於修整奉檜等奏曰此有以見陛下

述祖宗之儉德也同上

紹興十三年五月九日知臨安府盧知原言本府周迴

城壁久不修治頽損至多今日錢湖門南冲天觀等並

係相近禁衛去處未敢擅便前去相視詔令計會中軍

皇城司殿前司前去檢計修葺相大典卷八

八月二十五日大理寺臣吳鑄言伏自車駕駐蹕東吳

城壁仍舊未暇作改近日創建前殿肇親典禮每遇朝

會宰執百緣朝在城之外遂自五鼓後啟外城二門之

鑰不惟蚤爾皇城而又迫臨江渚富商大賈風帆海舶

往來之衝豈所謂九重嚴邃君門萬里之義乎乞下所

屬措置若城外朝路難以移改祇於朝路之外東量添

百下疑落官字

吳興縣志卷之三

城壁免致未旦啟鑰詔於臨安府措置中尚書省大典

萬九  
百四十

十二月二十二日兩浙轉運司言准尚書省劄子踏逐

去處重建祕書省今西河坊糯米倉巷西街北殿前司

營寨地步寬廣可以建造從之同上

十四年七月二十七日詔景靈宮南壁舊草場見今空

閑地步撥入景靈宮同上

十五年八月二十八日入內侍者東頭供奉官王晉

錫言神御殿遺旦望節序生辰駕過酌獻行香御路窄

狹欲於射殿東修蓋神御殿一座告遷安奉委是穩便

所有土工人匠材料乞下臨安府應副同共修造從之



上同

十七年十一月一日詔太一宮令兩浙轉運司修內司同共修建詳見本門

十八年三月十四日學士院撰到皇城南門名曰麗正北門名曰和寧從之上同

五月十六日詔將太一宮齋殿後空地修葺景靈宮道院上同

六月十八日詔臨安府於國城之東擇桑壇地建築九宮貴神壇壝上同

八月五日詔大理寺刑獄所在與景靈宮太一宮相近可令臨安府擇空地移置別處仍將舊基撥入景靈宮

桑疑

吳興郡民家書堂錄本

上同

二十一年九月二十一日詔景靈宮令轉運司修內司同供檢計拆韓世忠宅作圖本添建合用錢米令戶部

支給上同

二十二年六月二十七日詔將故韓世忠宅東位地步

見在門廊屋宇并景靈宮退村令轉運司修內司同共修葺左藏庫南者倉聽逐處指引造作上同

十一月十三日詔顯應觀可令兩浙轉運司於西湖靈芝寺空地修建須管日近了畢上同

二十四年二月一日詔麗正外東壁有修內司空地仰殿前馬步三司各差輜重軍兵一千人就用見在博土

供疑

村疑  
聽疑  
廳疑

打築入皇城門上同

九月二十五日礼部言准勅討論天章等閣制度檢國朝會要即不該載欲乞置天章等閣一所同共修蓋上同

十一月三日詔臨安府修內司修蓋天章閣等了畢第一等轉行一官仍減二年磨勘第二等轉一官第三等

減三年磨勘上同

二十六年正月九日兩浙轉運司修蓋到執政府三位詔東位魏良臣中位沈該西位湯思退並令遷入上同

二十八日詔令兩浙轉運司修內司將都省北舊府第修蓋左右相府第兩位二月五日詔行在太醫局已降指揮修蓋所有塑像并什物等令兩浙轉運司應副置

吳興

辨上同

六月十八日入內內侍省東頭供奉官幹辦萬壽觀陳

思恭言萬壽觀在京日有皇帝本命殿每遇聖節本府降聖三元等節修設清醮祝延聖壽今來本觀有南扶

殿一座空閑欲依在京日建置以純福殿為額隨宜設置本命所屬星官位牌焚修香火從之上同

七月十二日詔兩浙轉運司見修蓋豐儲倉當此暑月工役不易候農隙十月以後興工及內外別有修造去

處並權任上同

二十七年九月十八日尚書省言乞將六却門移就三省衙門內出入却移都門向外起蓋從之上同

十月二十二日尚書省言近將官告院地步展修六部  
權移本院於望山橋置司今來六部修蓋畢工乞將官  
告依舊遷歸六部從之上同

十二月四日詔知臨安府張偁除直敷文閣尚書都官  
員外郎楊俠興轉一官更減二年磨勘其餘官吏各轉  
官減一年磨勘有差並以修蓋六部畢工推恩上同

二十八年六月三日詔皇城東南一帶未有外城可令  
臨安府計度工料候農隙日修築具合用錢數申尚書  
省於御前支降令來所展地步不多除官屋外如有民  
間屋宇令張偁措置優恤上同

七月二日殿前都指揮使楊存中言降下展城圖子令

吳興知民志書重鈔本

臣相度臣看詳所展城離隔牆五丈街路止闊三丈只  
是通得朝馬路今乞更展八丈通一十三丈以五丈作  
街路六丈令民居將來聖駕親郊由候潮門經從所展  
街路直抵郊臺極為快便展八丈地步十之九是本司  
營寨教場其餘是居民零碎小屋若築城畢工即修蓋  
屋宇依舊給還民戶居住委實利便詔依差戶部即官  
楊俠同知臨安府張偁計料修築張偁楊俠言今相視  
合修築五百四十一丈計三十餘萬工用博一千餘萬  
片磚灰二十萬秤監修壕寨監作收支錢米物料部役  
等官並於殿前司差撥外所有計置般運物料受給官  
等乞從臣等選差日支工食錢監修官欲置一貫二伯

文壕寨官一貫文監修收支錢未部設計置般運物料  
受給官八伯文作家六伯文諸作炸頭壕寨五伯文米  
二勝一作半工匠三伯五十文斫手三百文雜役軍兵  
二伯五十文各米二勝半行遣人吏手分各三百文貼  
司各二百文已上並自興工日支畢工日住其興工畢  
工量砌每及二百文乞從臣等參酌搞設今來所展城  
闊一十三丈內二丈充城基中間五丈充御路兩壁各  
三丈充民居所展民屋六丈基地內有可以就便居住  
之家更不拆移所有合拆移之家如自己屋地今已踏  
逐側近修江司紅亭子等處空閑官地四十餘丈許令  
人戶就便撥還內和賃房廊舍候將來蓋造却依元間

吳興縣志卷之三十一

數撥賃其新城內外不礙道路屋宇依舊存留密慮小  
人妄說於標竿外拆移人家扇或居民合行約束所有  
拆移般家錢除官司房廊止支賃戶錢外百姓自己屋  
地每間支錢一十貫文賃戶每間五貫文業主五貫文  
除已出榜曉諭候見實數支給從之同上

九月九日詔近修垂拱三殿已畢工知臨安府張偁特  
轉一官餘人等第推恩同上

二十二日措置修城所言契勘新城添置便門今欲移  
用利涉為名所有舊利涉門係於園牆大路修蓋乞別  
立門名詔新南門可名嘉會門同上  
二十四日詔垂拱殿等處修蓋了畢除臨安府官吏等

已推恩外其修內司官吏兵匠可取索人數等第推恩

上同

三十年正月六日閣門言曰孟朝獻車駕詣景靈宮行  
禮所有殿門外宰執親王使相待班閣子令貼定合辦  
截并添置門戶閣子圖本乞下臨安府依圖辦截從之

上同

紹興三十一年四月九日知臨安府趙子瀟言駐蹕之  
地所係甚重比年以來城壁摧倒嘗委官檢視凡一百  
四十一段共一千八百餘丈約用物料工役錢二十七  
貫米七千斛本府財賦有限今歲排辦明堂別無寬餘  
乞支降錢米仍於三司各差三百人分頭修築詔依奏

吳興縣志卷之三

如所差三司人數役使不足計於附近州軍壯城守城  
人內貼差合用錢米令戶部逐旋支給大典卷八  
千七十一

三十二年六月四日詔行在望仙橋東新葺宮室以德  
壽宮為名大典卷一萬  
九百四十

紹興三十二年十一月十三日孝宗即位  
未改元詔尚書戶部

侍郎兼權知臨安府趙子瀟轉一官以修臨安府城  
畢工推恩也大典卷八  
千七十一

隆興元年十二月十八日權發遣臨安府陳輝言本府  
車駕駐蹕之地其周回禁城因春雨連綿舊城多圯自  
德壽宮東及錢湖門北至景靈宮寺等計三百三十五  
丈自今年三月二十一日興役至十月二十七日畢詔

行在

本府寶具修城官上尚書者第賞之上同

孝宗乾道七年五月十三日詔拆南宮門以西舊隔城

通內軍器一庫增造庫屋十間改築土牆并將南庫門

築合止留舊北庫門出入天典卷一萬九百四十

九年正月九日詔後殿門係駕入出經由門戶其屋宇

低小入出妨礙令工部委官計會內修司照輦院合用

高低丈尺相視計料重別修蓋上同

十二月二十一日詔尚書兵部侍郎兼知臨安府沈度

言本府車駕駐蹕之地其周回禁城昨因今歲梅雨損

穴七十二處計五百九十五丈分委官相視檢計約用

熟灰木植物料工食錢九萬五千餘貫委官自德壽官

完疑毀或壞

吳興郡王嘉善堂對本

東城修砌周回城壁一切工畢詔官吏等第推恩上同

淳熙二年十一月二十八日詔殿前司修內司臨安府

轉運司修蓋射殿殿門隔門并皇太子宫門已畢工殿

帥王友直提舉修內司甘昇提轄修內司楊皓臨安府

守臣趙彥操兩浙漕臣趙蟠老各轉一官減三年磨勘

其餘官屬第一等轉一官資第二等減三年磨勘第三

等減二年磨勘礙止法人特與轉行白身人有名目日

收使餘並倍支犒設上同

三年八月十六日詔修內司臨安府修蓋垂拱殿畢工

其應辦官吏第一等各與轉一官資減二年磨勘第二

等各與轉一官資上同

止題正

六年四月二十四日知臨安府吳淵乞擇日蓋造後殿  
上曰朕止欲令修而左右皆以此殿年深木植有損朽  
處多不可不蓋造至七月訖工詔知臨安府轉一官修  
內司提舉官轉一官減四年磨勘其餘官吏等第推賞  
上同

八年八月十二日詔以後殿擁舍改作延和殿上同

九年三月二十四日詔射殿年深損壞未須拆蓋且令  
隨宜抽換，既而臨安府目趙礪老言若行拆蓋比之  
抽換所添工物不多欲量行蓋造從之上同

十五年九月二十一日詔新修蓋皇太后宮殿以慈福  
宮為名上同

皇太后宮殿蓋造錄

十六年正月二十八日詔德壽宮改作重華宮上同

嘉泰二年八月十八日詔令修內司於大內計料修蓋

壽慈殿恭請太皇太后還內上同





